



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: pr.polis@polis.cw

Wèpsait: www.polis.cw

Adrès: Winston Churchillweg z/n • Willemstad • Curaçao

KOMUNIKADO DI PRENSA

052 / 2017

19 febrüari 2017

Tópiko: Resúmen di aktividatnan polisial durante Parada di Karnaval Hubenil 2017

➤ **Detenshon:**

- Alrededor di 18.10'or, polis a detené un hòmbler E.O.M. nasé na Aruba, 43 aña di edat riba tereno di un sentro komersial situá den Roodeweg pa motibu ku e la menasá su eks kasá ku morto. Na momento di su detenshon e sospechoso tabatin un kuchú den su poder. Polis a konfiská e kuchú i a transportá e sospechoso pa warda di polis pa mas investigashon miéntras e dama a hasi keho di menasa kontra e hòmbler aki. Riba òrdu di un Fiskal oksiliar, e sospechoso a keda enkarselá pa mas investigashon
- Alrededor di 19.30'or, polis a nota ku tabatin un bringamentu entre tres dama riba Weg naar Welgelegen. Ora polis a bai na e sitio pa duna asistencia, un hòmbler ku tabata na e sitio J.J.J. nasé na Kòrsou, 25 aña di edat a ofendé e polisnan. Na momento ku e polisnan a bai detené e hòmbler sospechoso aki, e la resistí aresto. E sospechoso aki a keda detené i a transporte pa warda di polis. A presentá e sospechoso dilanti di un fiskal oksiliar. Despues ku a interogá e sospechoso a laga e sospechoso den libertat i a dun'é un dagfar (dagvaarding) ku fecha pa e presentá den korte.

➤ **Vehíkulonon ku a falta ku regla:**

- A transportá kuater(4) vehíkulo ku tabata mal pará òf ku tabata opstakulisá tráfiiko. Esaki ta trese un situashon di peliger espesialmente ora e instansianan ku tin ku duna asistencia urgente nos por pasa bai. A tou e vehíkulonon aki ku kran i hiba nan Coney Island. Despues ku shofùr di e vehíkulonon aki a paga kran i a haña un but, nan por a bai ku nan vehíkulo.

➤ **Otro kasonan:**

- Den un kas bandoná den Roodeweg a konstatá un kantidat remarkabel di abeha. Esei a pone ku mester a para e marcha pa un periodo relativamente largu. Despues ku a manda yama un imke (kriadó di abeha) i ku e la wak e situashon i a spùit un tiki, e marcha a kontinuá.
- Na Arubastraat, deskonosínan a kita/destruí e material ku tabatin poné einan pa evitá ku vehíkulonon ta pasa bin aden. Polis a bai na e sitio i a remediá e situashon.
- Na Hamelbergweg tabatin un sofá kantu di kaminda ku un kantidat di karpata riba dje. GGD a bai ku e banki aki.
- Na diferente okashon polis mester a taha mayornan ku pa motibu ku tabatin muchanan menor di edat riba òf mei mei di e dranghèk. .
- Na múltiple okashon a nota ku públiko tabata hisa e dranghèk i habri esaki pa sea pasa òf para riba kaya. Nos ta supliká un i tur pa no hasi esaki mas i hasi uso di e portanan ku tin presente i sigui òrdu di e bewakernan i polis mesora.

Nota pa redakshon – no pa publikashon

Pa mas informashon bo por tuma kontakto ku Departamentu di Komunikashon i Prevenshon na e numbernan di telefòn ariba mensioná.

Orario: djaluna pa djabièrnè di 8.00 – 22.00 or’;
djasabra di 9.00 – 13.00 or’;
djadumingu di 18.00 – 22.00 or’.

Por yama durante di dia pa hasi entrevista i **despues di 22.00 or’** por tuma kontakto (ku Bosero di Departamentu di Komunikashon i Prevenshon) na number di telefòn 510-2715.